

**ЎЗБЕКИСТОН РЕСПУБЛИКАСИ
А Д Л И Я В А З И Р Л И Г И Д А
ДАВЛАТ РЎЙХАТИДАН ЎТКАЗИЛДИ**


2018 йил 2 май

3004-сон

**Ўзбекистон Республикаси Ташқи савдо вазирлиги, Ташқи
ишлар вазирлиги, Маданият вазирлиги, Давлат божхона
қўмитасининг**

**«Хорижий мамлакатларда ўтказиладиган кўргазма, танлов
ва ярмаркаларда намоиш этиш учун ҳунармандчилик
маҳсулотлари олиб чиқилишининг соддалаштирилган тартиби
тўғрисидаги низомни тасдиқлаш ҳақида»ги**

ҚАРОРИ



**ЎЗБЕКИСТОН РЕСПУБЛИКАСИ ТАШҚИ САВДО ВАЗИРЛИГИ
ЎЗБЕКИСТОН РЕСПУБЛИКАСИ ТАШҚИ ИШЛАР ВАЗИРЛИГИ
ЎЗБЕКИСТОН РЕСПУБЛИКАСИ МАДАНИЯТ ВАЗИРЛИГИ
ЎЗБЕКИСТОН РЕСПУБЛИКАСИ ДАВЛАТ БОЖХОНА ҚЎМИТАСИ**

ҚАРОРИ

**Хорижий мамлакатларда ўтказиладиган кўргазма, танлов ва ярмаркаларда
намойиш этиш учун хунармандчилик маҳсулотлари олиб чиқилишининг
соддалаштирилган тартиби тўғрисидаги низомни тасдиқлаш ҳақида**

Ўзбекистон Республикаси Президентининг 2017 йил 17 ноябрдаги ПФ-5242-сонли “Хунармандчиликни янада ривожлантириш ва хунармандларни хар томонлама қўллаб-қувватлаш чора-тадбирлари тўғрисида”ги Фармони ҳамда Ўзбекистон Республикаси Президентининг 2017 йил 17 ноябрдаги ПК-3393-сонли “Хунарманд” уюшмаси фаолиятини янада такомиллаштириш чора-тадбирлари тўғрисида”ги қарорига мувофиқ Ўзбекистон Республикаси Ташқи савдо вазирлиги, Ташқи ишлар вазирлиги, Маданият вазирлиги ва Давлат божхона қўмитаси **қарор қилади:**

1. Хорижий мамлакатларда ўтказиладиган кўргазма, танлов ва ярмаркаларда намойиш этиш учун хунармандчилик маҳсулотлари олиб чиқилишининг соддалаштирилган тартиби тўғрисидаги низом иловага мувофиқ тасдиқлансин.

2. Мазкур қарор расмий эълон қилинган кундан эътиборан кучга киради.

Ташқи савдо вазири

Тошкент ш.,

2018 йил “09” август
2018/05-02 - сон

Ж. Ходжаев

Ташқи ишлар вазири

Тошкент ш.,

2018 йил “09” август
29 - сон

А. Камиллов

Маданият вазири

Тошкент ш.,

2018 йил “09” август
9 - сон

Б. Сайфуллаев

Давлат божхона қўмитаси раиси

Тошкент ш.,

2018 йил “09” август
05-04/12-24 - сон

М. Азимов

Ўзбекистон Республикаси Ташқи савдо вазирлиги,
Ўзбекистон Республикаси Ташқи ишлар вазирлиги,
Ўзбекистон Республикаси Маданият вазирлиги,
Ўзбекистон Республикаси Давлат божхона кўмитасининг
2018 йил 9 апрелдаги
2018/05-02, 29, 9, 01-02/12-21-сон қарорига
ИЛОВА

**Хорижий мамлакатларда ўтказиладиган кўргазма, танлов ва ярмаркаларда
намойиш этиш учун хунармандчилик маҳсулотлари олиб чиқишнинг
соддалаштирилган тартиби тўғрисидаги
НИЗОМ**

Ушбу Низом Ўзбекистон Республикаси Президентининг 2017 йил 17 ноябрдаги ПФ-5242-сон “Хунармандчиликни янада ривожлантириш ва хунармандларни ҳар томонлама қўллаб-қувватлаш чора-тадбирлари тўғрисида”ги Фармонида асосан хорижий мамлакатларда ўтказиладиган кўргазма, танлов ва ярмаркаларда намойиш этиш учун хунармандчилик маҳсулотлари олиб чиқишнинг соддалаштирилган тартибини белгилайди.

1-боб. Умумий қоидалар

1. Мазкур Низом “Хунарманд” уюшмаси аъзоси ҳисобланувчи хунармандчилик субъектларига (бундан буён матнда хунарманд деб юритилади) нисбатан қўлланилади.
2. Ўзбекистон Республикаси Президентининг 2017 йил 29 декабрдаги ПҚ-3451-сон “Хорижий давлатларда кўргазма тадбирларини ўтказиш учун мўлжалланган товарларни олиб чиқиш тартибини соддалаштириш чора-тадбирлари тўғрисида”ги қарорига асосан хунарманд хорижий давлатларда ўтказиладиган кўргазма, танлов ва ярмаркаларда намойиш этиш учун мўлжалланган қиймати 5 000 (беш минг) АҚШ долларигача бўлган хунармандчилик маҳсулотларни экспорт контракти тузмасдан ҳамда божхона юк декларациясини расмийлаштирмасдан олиб чиқиши мумкин.

2-боб. Хунармандчилик маҳсулотларини олиб чиқиш

3. Хунарманд хорижий мамлакатларда ўтказиладиган кўргазма, танлов ва ярмаркаларда намойиш этиш учун хунармандчилик маҳсулотларни олиб чиқишда “Хунарманд” уюшмаси Бадиий кенгашининг (бундан буён матнда Бадиий кенгаш деб юритилади) хулосаси ва Ўзбекистон Республикаси Маданият вазирлиги ҳузуридаги Бадиий экспертиза бошқармасининг (бундан буён матнда Бадиий экспертиза бошқармаси деб юритилади) сертификатини олиши лозим.
4. Хунармандчилик маҳсулотларини хорижий давлатларда ўтказиладиган кўргазма, танлов ва ярмаркаларда намойиш этиш учун олиб чиқишда Бадиий кенгашнинг хулосаси (бундан буён матнда хулоса деб юритилади) товарнинг кузатув ҳужжати ҳисобланади.
5. Хунармандлар ўзлари ишлаб чиқарган хунармандчилик маҳсулотларини хорижий мамлакатларда ўтказиладиган кўргазма, танлов ва ярмаркаларда намойиш этиш учун Бадиий кенгашга тақдим этади.
6. Бадиий кенгаш хунармандчилик маҳсулотларини бир кун муддатда ўрганиб чиқиб, уларни Ўзбекистон Республикаси Президентининг 2017 йил 17 ноябрдаги ПФ-5242-сон Фармони билан тасдиқланган Хунармандчилик фаолиятининг асосий



йўналишлари, хунармандлар томонидан ишлаб чиқариладиган буюмлар ва товарлар (иш, хизмат кўрсатиш) турларининг рўйхатидаги маҳсулот турларига мослигини ва таннарини аниқлаб, тегишли хулоса беради.

7. Хулосада олиб чиқилладиган хунармандчилик маҳсулотларининг номи, миқдори, қиймати, режалаштирилган кўргазма, танлов ва ярмаркаларнинг ўтказилиш санаси ва жойи тўғрисидаги маълумотлар кўрсатилади.

8. Хулосада кўрсатилган маълумотларнинг ишончилиги ва тўғрилиги учун хунарманд ва “Хунарманд” уюшмаси жавобгар ҳисобланади.

9. “Хунарманд” уюшмаси хунармандчилик маҳсулотларини бадиий экспертизадан ўтказиш ва тегишли сертификат расмийлаштириш учун ҳужжатларни Бадиий экспертиза бошқармасига тақдим этади.

10. Қиймати 5 000 (беш минг) АҚШ долларидан юқори бўлган хунармандчилик маҳсулотларини божхона расмийлаштируви умумий тартибда амалга оширилади.

11. Хунарманд хорижий давлатларда ўтказилладиган кўргазма ва ярмаркаларда намойиш этиш учун олиб чиқилладиган хунармандчилик маҳсулотларини сотишдан тушадиган маблағларни Ўзбекистон Республикаси тижорат банкларидаги ўз ҳисобрақамларига, шу жумладан банк ўтказмалари, шунингдек, хорижий валютадаги нақд пул шаклида киритиш ҳуқуқига эга

12. Хунармандлар мазкур Низомнинг 10-бандида кўрсатиб ўтилган маблағларни эркин тасарруф этиш, шу жумладан банк ҳисоб рақамларидан нақд пул шаклида олишлари мумкин.

3-боб. Хорижий мамлакатларда ўтказилладиган кўргазма, танлов ва ярмаркаларда хунармандчилик маҳсулотларини намойиш этиш учун кўмаклашиш

13. “Хунарманд” уюшмаси хунармандга улар томонидан ишлаб чиқарилган хунармандчилик маҳсулотларини хорижий мамлакатларда ўтказилладиган кўргазма, танлов ва ярмаркаларда намойиш этиш учун олиб чиқиши ва мазкур тадбирларда қатнашишида ҳар томонлама қўллаб-қувватлайди, шунингдек зарурий ҳужжатларни расмийлаштиришда ҳамда вужудга келадиган муаммо ва камчиликларни бартараф этишда кўмаклашади.

14. Ўзбекистон Республикаси Савдо-саноат палатаси Ташқи савдо вазирлиги билан биргаликда “Хунарманд” уюшмасининг хорижий мамлакатлардаги хунармандчилик йўналишида фаолият олиб боровчи ташкилотлар билан ҳамкорлигини йўлга қўйиш ва ривожлантириш, хунармандчилик субъектларининг хорижга амалий ташрифларини ташкил этиш, республика ва хорижда хунармандчилик билан боғлиқ анжуман, савдо-кўргазма ва ярмаркаларни ўтказишда кўмаклашади.

15. Ўзбекистон Республикаси Ташқи ишлар вазирлиги томонидан қонун ҳужжатларига мувофиқ хунармандга хорижга чиқиш ва кириш масаласида ўз ваколати доирасида амалий ёрдам кўрсатилиши таъминланади. Шунингдек, “Хунарманд” уюшмасига элчихоналар ва бошқа хорижий ваколатхоналар билан хунармандчилик йўналиши бўйича алоқаларнинг амалга оширилишида кўмаклашади.

16. “Ўзбекистон ҳаво йўллари” миллий авиакомпанияси хунармандга белгиланган нормадан ортиқ бўлган юклари (хунармандчилик маҳсулотлари) учун амалга ошириладиган тўловларда 25 (йигирма беш) фоиз махсус чегирмалар берилишини таъминлайди.



4-боб. Яқуний қоида

17. Ушбу Низом Ўзбекистон Республикаси Марказий банки, Савдо-саноат палатаси, “Хунарманд” уюшмаси ва “Ўзбекистон ҳаво йўллари” МАК билан келишилган.

Марказий банк раиси

Тошкент ш.,

2018 йил “ ___ ” _____

Савдо-саноат палатаси раиси

Тошкент ш.,

2018 йил “ ___ ” _____

“Хунарманд” уюшмаси раиси

Тошкент ш.,

2018 йил “ ___ ” _____

**“Ўзбекистон ҳаво йўллари”МАК
бош директори в.б.**

Тошкент ш.,

2018 йил “ ___ ” _____


М. Нурмуратов


А. Икрамов


У. Абдуллаев


Б. Хакимов

